



წერილის ნომერი: 22351085
თარიღი: 02/07/2024

ადრესატი:

გიორგი გაბდელიანი
ლენტეხის მუნიციპალიტეტის საკრებულო-საკრებულოს თავმჯდომარე

ლენტეხის მუნიციპალიტეტის საკრებულოს სივრცით - ტერიტორიული

დაგეგმარებისა და ინფრასტრუქტურის კომისიის

სხდომის ოქმი N 04

დ. ლენტეხი 2.07.2024 წ.

2024 წლის 2 ივლისს დღის 12 საათზე ჩატარდა ლენტეხის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის სხდომა.

სხდომას ესწრებოდნენ კომისიის თავმჯდომარე სოლო ავალიანი, კომისიის წევრები: გიორგი გაბდელიანი, დავით პირველი, მეგლუდ ლიპარტელიანი, ირაკლი ქურასტედიანი, ზურაბ ონიანი, მოწვეული სპეციალისტი ამირან ლიპარტელიანი და კომისიის მდივანი თეა ქურდიანი.

კომისიის თავმჯდომარემ კომისიის წევრებს გააცნო დღის წესრიგი:

1. სოფ. ჭველფში მცხოვრებ მაიზერ ზურაბიანის განცხადების განხილვა.

/ მომხს: ს. ავალიანი/

2. სოფ. ტვიბში მცხოვრებ თენგიზ ჯამბურდიძის განცხადების განხილვა.

/ მომხს: ს. ავალიანი/

3. სხვადასხვა.

1. მოხსენიეს: კომისიის თავმჯდომარემ სოლო ავალიანმა აღნიშნა, რომ კომისიას დაგვეწერა სოფ. ჭველფში მცხოვრები მაიზერ ზურაბიანის განცხადება. განცხადების თანახმად მის საცხოვრებელ სახლთან ახლოს ეზოში მოწყობილია მაღალი ძაბვის ელექტრო სისტემა. სადენები ეწევა ეზოში არსებულ კაკლის ხეებს, რომელიც განსაკუთრებით ძლიერი წვიმებისა და ჭექა ქუხილის დროს საფრთხეს უქმნის იქ მცხოვრები ადამიანების სიცოცხლეს.

ლენტეხის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიამ ადგილზე მისვლით შეისწავლა აღნიშნული საკითხი. წარმოდგენილია შესაბამისი ფოტო მასალა. კომისიის წევრებმა აღნიშნეს, რომ მდგომარეობა მეტად საგანგაშოა და საჭიროებს სასწრაფო რეაგირებას ენერჯო კომპანიის მხრიდან, რათა თავიდან იქნას აცილებული ლეტალური შედეგები.

კომისიის წევრებმა იმსჯელეს საკითხთან დაკავშირებით და გადაწყვიტეს: ეთხოვოს სახელმწიფო რწმუნებულს ადმინისტრაციულ-ტერიტორიულ ერთეულებში (ამბროლაურის, ლენტეხის, ონის, ცაგერის მუნიციპალიტეტებში) ბატონ პარმენ მარგველიძეს - შუამდგომლობის გაწევა შესაბამის უწყებებთან, რათა დროულად გადაიდგას ქმედითი ნაბიჯები არსებული პრობლემის მოსაგვარებლად.

2. მოხსენიეს: კომისიის თავმჯდომარემ სოლო ავალიანმა აღნიშნა, რომ კომისიას განსახილველად დაგვეწერა სოფ. ტვიბში მცხოვრებ თენგიზ ჯამბურდიძის განცხადება. განცხადების თანახმად მოქალაქე ითხოვს სოფ. ტვიბში ჯამბურდიძეების უბანში შესასვლელ გზაზე უსაფრთხოების მიზნით ნაპირსამაგრი სამუშაოების ჩატარებას.

ლენტეხის მუნიციპალიტეტის საკრებულოს სივრცით - ტერიტორიული დაგეგმარებისა და ინფრასტრუქტურის კომისიამ ადგილზე მისვლით შეისწავლა განცხადებაში აღნიშნული საკითხი და ადასტურებს იმ რეალობას, რომ სოფ. ტვიბში ჯამბურდიძეების უბანში შესასვლელ გზაზე, სადაც არის მცოცავი ნიადაგი, ყოველი წვიმის შემდეგ არის საფრთხე ჩამოიშალოს მიწის მასის ვარკვეული რაოდენობა, რაც საფრთხეს შეუქმნის მოსახლეობას, ამ გზას ნამდვილად ესჭიროება ნაპირსამაგრი ჯებირის გაკეთება.

კომისიის წევრებმა იმსჯელეს ამ საკითხთან დაკავშირებით და გადაწყვიტეს: შუამდგომლობა გაეწიოს თენგიზ ჯამბურდიძის ოჯახს ლენტეხის მუნიციპალიტეტის მერთან, აღნიშნული საკითხის გადაწყვეტის მიზნით.

სოსო ავალიანი

ლენტეხის მუნიციპალიტეტის საკრებულო-სივრცით-ტერიტორიული დაგეგმარებისა და ინფრასტრუქტურის კომისია-სივრცით ტერიტორიული დაგეგმარებისა და ინფრასტრუქტურის კომისიის თავმჯდომარე